

古岡易氏世譜

卷
10

古岡易氏世譜卷之十

十三世孫經知輯

十九世孫道藩

重校

十四世孫奇際編

二十世孫文運

坡亭社邊房十世

諱庸序之子行一

居順德西淋都

一子 達

諱弘仁字汝容冕之子行一娶唐氏

一子

旭字懷亮號敬山

一子其聰字文光

不傳

輯字彥爵號斗山

四子其明

其力

其寧

其陸

四孫

初二

一明之子

子隆

力之子

子受寧之子

子易

陸之子

以上輯之子孫遠出不歸宗姑記其名

諱弘凱字汝順號娛濱冕之子行二娶黎氏合葬黃寶坑

三子 務本 務賢 務秋

社邊寶潭房十世

諱添號侶葵惠之子行一

二子 仰東 文郁

諱盛號信葵惠之子行二

二子 文煥 文勝

諱受號相葵惠之子行三

一子 文有

諱愛梅鑑之子行一

一子 慎齊

諱愛蓮鑑之子行二

一子 伯貞

諱伴芳堂之子行一

一子 肖環

坡亭西頭房十世

諱獻字文獻昇之嗣子

一子 誥

未室而亡

諱選字維兆玄之嗣子

一子 許

諱恩字 萃之子行一

一子 詔

諱聯芳字穗聲恆之子行一

姪跋後之

不傳

諱餘芳字穗昌恆之子行二娶氏

二子

踵

不傳

跋

後伯聯芳

諱存忠字本信號古坡辭之子行一性稟醇謹敦尚樸厚一切

侈麗之事不屬爲也締造其勤家業大興宗族推掌 四世

祖租錢出納明白建祖祠益營田誠有功於祖宗者也生成

化甲午十月初三卯時卒嘉靖甲辰十月初五辰時壽七十

一娶九江大洛口關氏生成化戊戌十月初七卯時卒隆慶

丁卯十一月初四壽九十合葬石硯黃龍翻身坤向立宅前

魚塘二口爲嘗配饗 五世祖祠

二子 魯 淵 女適羅江馮文管

諱存仁字本敬辭之子行二

一子 亨

諱存質字本實章之子行一

一子 曜

諱存重字本厚章之子行二

二子 永祥 永祚

坡亭東頭長房十世

諱大有字國亨號虛室璇之子性淳厚好吟咏愛人樂與五世

小宗之適也生成化丁酉卒嘉靖辛丑五月十四壽六十五

娶順德尖岡譚氏德性溫柔孝順翁姑

四子 彩

白无

赤

藍无

二女

長適祿洞李元章
次適祿洞李允薦

諱大磐字廷堅簡之子行一性剛直尚儒雅衣冠言行爲士林中之卓越者生成化乙未卒嘉靖癸未十二月二十六娶潮連陳恪軒公之女有淑德孝慈勤儉克盡其道生成化戊戌卒嘉靖辛丑八月二十二壽六十四考葬赤坎妣葬張公坑

二子 玘

璫

三女

長適古靈胡
三適九江張

次適馬崗任

諱達字廷達號隣坡簡之子行二妙年通貫經史壯歲高擢隣魁仁恕本於天性誨人不倦愛人以德先教寧德士夫景仰後治桃源黎庶咸戴旣增乃祖祭田又增乃父祭田報本追遠之心垂於無疆捐石修祖祠會衆設義祠尊祖收族之

思傳之勿替孝養繼母財讓昆弟戶役蠲免公共不私爵祿
早辭而不戀林泉養高以自娛鄉大夫之賢者也生成化丁
酉卒於某年娶小橋李氏有孝順之德贊厥夫子力學成名
允稱宜室宜家者也生成化丁酉卒某年合葬邑厓門

二子 均與 均祿

五女

長適李應聯 次適昭村馮
四適桂大尹郎舜耕

三適沙富周
五適萊巢容

諱大陵字廷阜簡之子行三淳實孝友無所驕傲勤儉造家同
掌四世祖租錢出入明白建祠益營皆其同心協力之所致
也奈德不勝命二子有室而無後良可惜哉生成化丙午卒
嘉靖娶本鄉方以實公女克執婦道繼娶方千里公之女

二子

均一 字仁卿

均齊

俱不傳

三女

長適塘下蔡
三適甘竹譚

次適越塘馮

諱大典字世彰展之子行一心地平易度量寬宏睦族和鄉與人交明義利舉其大較不瑣瑣細微之間也生成化己亥娶竹朗施石軒公女孝慈婣睦

二子 化

變後叔大謨

諱大謨字世顯號榕陰展之子行二孝友力學是非剖析剛柔克濟爲鄉老化諭鄉閭爲墟長一方感戴沒猶追思之焉生成化甲辰娶九江陳有本女淑德造家

二子

變原立子瑞鶴遺腹子

諱大器字克載壘之子行一讀書穎悟心地坦平善屬文精書法娶九江曾孝廉士傑之妹公生宏治壬子七月二十八卒

嘉靖癸巳八月二十九日

嗣子 不

諱大用字元效豐之子行二天性敏慧充邑庠生生宏治甲寅六月十四卒嘉靖辛卯四月十六娶譚氏生宏治己未三月十一卒嘉靖庚寅九月初九日

一子 比 不傳

諱大星字元炳豐之子行三生宏治癸亥十二月十六卒嘉靖己亥三月二十六娶海洲李氏生宏治壬戌正月十四卒萬歷甲申八月初一日

二子 蒙 不傳 後伯二女長適江尾梁大器三適大同郭

次適祿洞李

坡亨東頭二房十世

諱時輝字伯晦號古松啟之子行一純靜慎交寡欲忘利竭力

養親誠心教弟行事必循禮義子弟有過雖疎遠必正言誠之娶李氏

三子 喁 矩 杲

諱時燦字公濯號古崖啟之子行二天性穎悟力學匪懈孝親敬兄慎交睦族由府庠廩生貢爲南昌甌寧兩縣少尹辭榮養高式穀詒謀署縣陳侯豪知縣劉侯環嘉其賢敦請宦賓生成化己丑卒嘉靖己亥壽七十一娶陳氏德性溫柔孝慈勤儉合葬赤坎馬鞍岡

二子 章 密

諱時遇字仕際號東崖準之子行一性敏好學由博而約寬洪正大爲邑廩生精通經術遠近學者宗之日聞易先生之言

雖鄰壁可曉而不費解矣一時仕者多出其門也生成化癸卯卒嘉靖丙申娶郭氏孝慈嫻睦婦道無忝合葬大園村榕子岡酉向

二子 標 槐

諱時可字希孟號東渚準之子行二慈和逸體壽登大耄娶李氏繼陳氏合葬塘涌村後亥向

二子先覺後得

无

諱時進字曰正號東泉準之子行三娶氏

三子 從鸞 從鳳 從凰

坡亭東頭三房十世

諱以翰字國佐赦之子行一娶氏

五子 專

訓

諒无

譌

訛无

諱以占字孚先赦之子行二生成化甲辰十一月二十九日卒
正德乙亥三月二十五日娶李氏生弘治戊申十月初十日
卒嘉靖丙辰四月二十八日壽七十九合葬相公坑

一子 試

諱以參字廷倚赦之子行四卒正月二十三日娶黃氏卒九月

初五日合葬赤坎岡

无傳

有土名火燒洲塹一石橫基頭田

六斗共稅七畝岡下魚塘一口地一百餘井囑入八世東溪

祖耐祭

諱以培字茂卿號遜樂昌之子行二天質俊偉志行端方主持
門戶出入輿馬爲士大夫仰重居家尤醇謹可風生弘治甲

子九月十六日卒嘉靖己未七月二十五壽五十六娶黎氏
繼周氏側室謝氏合葬烏石村長坑龍耳地

五子

鎬謝出

鈿周出

錫周出

鍊謝出

鎰周出

坡亭東頭四房十世

諱經邦字朝用龍之子行一娶氏

一子 斐

諱安邦字朝鎮龍之子行二娶氏

一子 士講

諱肇邦字廷基健之子行一娶氏

二子 上策 獻策

諱輔邦字廷弼號半默健之子行二淳厚儒雅見利思義爲謀

必忠弟子多遊其門者嘗念族屬繁昌久則難序乃繼宜秋翁之志重修族譜且因舊譜有曰祖之兄弟二人分居南海大步鄉子孫今亦數百人但世數既遠譜帙難以合一姑以宣義公爲初遷之祖於是力求之果得其實推 宣義公之意而統同之則二譜可一宜秋翁之志可遂其有功於前者大矣析分之日某房居某鄉某坊觀者瞭然知親疎昭穆之列其有功於後裔者大矣姪天準書

一子 學會

三女

長適塘下林日初
三適越塘馮士嚴

次適三傳王平鳳

諱爲邦字宗顏健之子行三娶馮氏

一子 學益

諱寧邦字國安健之子行四娶呂氏

二子 學鳴 學言

諱興邦字 健之子行五娶譚氏

二子 學閔 學賜

諱珮字允節景之子行一新寧學廩生

一子 勵悱

諱瑕字允純景之子行二

一子 勵愔

諱琛字允獻景之子行三

一子 勵稱

諱瑤字允報景之子行四

二子 勵懽 勵懌

坡亭東頭五房十世

諱世資字

頤之子行一娶梅氏合葬鴨舌嘴

二子

孔高

孔述

諱世祿字

頤之子行二娶氏

四子

梧

松

桐

梓

諱世望字以昌頤之子行三娶氏

一子

竹

坡亭隔塘房十世

諱泗字君美孫之子娶張氏

一子

文祥

諱明字智孚泉之子娶勞氏

不傳